

Kalaallit Nunaata Isiginnaartitsisarfianut siulersuisunut atorfigivinngisamik suliaqarnermi akissarsiaqartitsineq aningaasartuuteqarnermilu ajunngitsorsiaqartitsineq pillugu Namminersorlutik Oqartussat nalunaarutaat

Isiginnaartitsisarfeqarneq pillugu Inatsisartut inatsisaanni nr. 23-imi, 18. november 2010-meersumi § 4, imm. 9 naapertorlugu aalajangersarneqarput:

Atorfigivinngisamik suliaqarnermi akissarsiat

§ 1. Kalaallit Nunaata Isiginnaartitsisarfianut siulersuisut atorfigivinngisamik suliaqarnermi ukiumoortumik akissarsisassapput. Siulittaasup atorfigivinngisamik suliaqarnermi akissarsiai 30.000 kr.-iupput. Ilaasortat sinnerisa atorfigivinngisamik suliaqarnermi akissarsiaat 7.500 kr.-iupput.

§ 2. Atorfigivinngisamik suliaqarnermi akissarsiat ukiumut aqqaneq marloriarluni qaammammut kingumoortumik tunniunneqartassapput.

Imm. 2. Siulersuisunut ilaasortap ilaasortanngornerani ullunut tamanut siulersuisunut ilaasortap ilaasortaaffigisaanut aningaasat § 1, imm. 2-mi 3-miluunniit taaneqartut 1/365-iinik atorfigivinnagu suliaqarnermi akissarsiaqartitsisoqassaaq. Tamannattaq siulersuisunut ilaasortap qaammammi ingerlaavartumi soraarnerani atuutissaaq.

Aningaasartuutigisanut ajunngitsorsiat

§ 3. Aningaasartuutit, taakkununga ilanngullugit angalanernut, nerisaqarnermut najugaqarnermullu aningaasartuutit, Kalaallit Nunaata Isiginnaartitsisarfiata sulinerani akilerneqartut Kalaallit Nunaanni Namminersorlutik Oqartussani tjenestemandinut malittarisassat qaqugukkulluunniit atuuttut naapertorlugit siulersuisunut ilaasortanut ajunngitsorsiaritinneqassapput.

Atuutilersinneqarnera

§ 4. Nalunaarut manna 1. januar 2011-mi atuutilerpoq.

Mimi Karlsen

/

Lise Lennert Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut